



An Bhéaltrial 2020

Nuacht na Seachtaine - 27ú Feabhra

Get immediate access to our complete Irish Oral Preparation Course (2020) for only €50 using the offer code:

"snag20"

visit: <https://courses.leavingcertirish.com>

An bhfuil tú buartha faoin gcoróinvíreas?

Tá sé ráite ag saineolaithe eolaíochta gur cinnte go dtiocfaidh an coróinvíreas chomh fada leis an tír seo.

Os rud é gur víreas tógálach é, atá ag leathadh ar fud an domhain ar luas lasrach, ní éalóimid ón mbaol seo. Is cinnte faoi.

Cé nach bhfuilim scanraithe faoin víreas, ag an am céanna ba mhaith liom a bheith cinnte go bhfuilimid réitithe le dul i ngleic leis.

Deir an rialtas go bhfuil siad réidh agus go mbeidh na hospidéal in ann na cásanna éagsúla a láimhseáil má thágann an víreas go hÉirinn.

B'fhéidir go mbeidh orainn srianta a chur ar ócáidí móra poiblí (ar nós na gcluichí rugbaí idirnáisiúnta) agus iad a chur ar athlá nó ar ceal.

Tá sé de dhualgas ar gach éinne, scoileanna agus daltaí ina measc, a seacht ndícheall a dhéanamh chun stop a chur le scaipeadh an víris chomh maith.

**Maidir le cúrsaí
polaitiúla in
Éirinn - cad a
tharlóidh amach
as seo?**

Cé nach mbíonn mórán suime agam i gcúrsaí polaitiúla de ghnáth, caithfidh mé a rá go bhfuil díomá orm nár féidir leo teacht le chéile agus cúrsaí a réiteach níos tapúla.

Is dócha go bhfuil drogall ar Leo Varadkar agus Micheál Ó Máirtín dul i muinín a chéile.

De réir na meán, is cosúil go mbeidh comhrialtas againn bunaithe ar chomhaontú idir Fianna Fáil, Fine Gael agus an Comhaontas Glas.

Ní mó ná sásta a bheidh Sinn Féin faoi seo os rud é go maíonn siad gur bhuaigh siad an t-olltoghchán. B'fhéidir go bhfuil an ceart acu, ar bhealach, ach theip orthu comhrialtas a chur le chéile go dtí seo ar aon nós.

Tuigimid go léir go bhfuil líon na bhfadhbanna ag éirí níos tromchúisí lá i niaidh lae - an Bhreathimeacht, an coróinvíreas, na dídeanaithe, agus na liostaí feithimh sna hospidéal.

Tá sé in am do na polaiteoirí stop a chur leis na cluichí agus tús áite a thabhairt do riachtanais na tíre. Nach é sin an fáth gur toghadh iad sa chéad áit?!

**An bhfuil aon
smaointe agat
faoi drochaimsir
na laethanta seo?**

Déarfainn go bhfuil gach éinne dubh dóite den drochaimsir!

Is fuath liom an bháisteach a fheiceáil nuair a éirím gach maidin.

Is cinnte go n-éiríonn daoine dubhach nuair a fheiceann siad an bháisteach ag titim anuas lá i ndiaidh lae.

An gné is measa domsa ná go gcaithfidh mé dul ar scoil agus an bháisteach ag stealladh anuas orm gach maidin.

Níl rud ar bith níos measa ná bheith i do shuí sa seomra ranga agus tú fliuch báite de bharr na báistí!

Bíonn trua an domhain orm dóibh siúd atá ag fulaingt go géar mar gheall ar na tuillte.

Tóg mar shampla na daoine is leochailí i mBaile Átha Luain nó i gCluain Lára, Co. an Chláir - níl aon dul as an uisce sna ceantair sin. Is tubaiste phearsanta í do na daoine a chónaíonn ann.

Follow Leavingcertirish.com



www.youtube.com/leavingcertirishcom



www.instagram.com/leavingcertirishh1



<https://courses.leavingcertirish.com>